

Txirritola

ARAMAIO / Barikua / 2002ko azaroaren 15a / 47. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Aramaioko ordezkariak izango da asteburuan Ehiza Txapelketan

UBANE MADERA

Aitor Unamuno aramaioarra sailkatu da asteburuan Araban jokatu den Ehiza Txapelketarako. Arabako Ehiza Txapelketan irabazten duenak Euskal Herriko Ehiza Txapelketan parte hartuko du gero. Aitor Unamunok esan digu ilusioarekin doala txapelketara.

Joan den zapatuan (hilak 9) jokatu zuten Aramaion Ehiza Txapelketa. 30 lagunek parte hartu zuten txapelketan. Oilgor Ehiza Elkarteko presidente eta txapelketako antolatzaile Jabier Arriaranek kontatu digunez, "egun txarra egin zuen zapatuan ehizarako; nahiz eta ia egun osoan saiatzen ibili, parte hartu genuen 30 lagun artean, gutxira, hiru oilgor bakarrik ehizatu genituen-eta". Hain zuzen ere, Aitor Unamuno, Iñaki Elejalde eta Asier Altuna ehiztariak harrapatu zituzten hiru txoriak, bakoitzak bana. Horren ondorioz, hiruren artean zozketa egin behar izan zuten, Arabako Txapelketara zein joango zen erabakitzeko. Eta, lehen esan dugun



Aramaioko Ehiza Txapelketan hiru oilgor bakarrik ehizatu zituzten.

JUAN MIGUEL LOTI

moduan, zozketa horretan Aitor Unamuno izan zen zori onetako; hortaz, hark ordezkari izango du Aramaio Arabako Txapelketan.

BIZKORRENA IRABAZLE

Koartangan jokatu dute txapelketa hori. Goizeko zortzietan irtengo dira ehiztariak, eta arratsaldeko hirurak arte ibiliko dira ehizatze ahaleginetan. Bitarte horretan oilgorrak harrapatzen ahalegindu beharko dira. Hau da,

tsaldeko hirurak arte ibiliko dira ehizatze ahaleginetan. Bitarte horretan oilgorrak harrapatzen ahalegindu beharko dira. Hau da,

Aramaioko hiru irabazleen artean zozketatu dute zein joango den Arabako Ehiza Txapelketara

txori gehien ehizatzea lortzen duenak eta kontrolean agudoen sartzen den ehiztariak irabaziko du. Hain zuzen ere, Koartango txapela irabazten duena Euskal Herriko Ehiza Txapelketarako sailkatuko da.

GOGOTSU

Aitor Unamunok adierazi digunez, lehenengo aldiz parte hartuko du Arabako Ehiza Txapelketan; baina, era berean, gaineratu digu gogotsu joango dela: "Ilusioarekin parte hartuko dut txapelketan".

Batez beste, hemezortzi-hogei bat lagunek parte hartu ohi dute Arabako Ehiza Txapelketan. Hortaz, Aitor Unamuno aramaioarra adi-adi ibili beharko da oilgor bila.

HERRITARREN HITZA / Rosa Mondragón • Kazetaria

Epaileen boterea

Onerako eta txarrerako, epaileen erabakiak zein aginduak ildo nagusiak dira egungo albistegietan. Aipagarrienak, baina, politika eta emakumeen kontrako eraso kasuetan hartzen dituzten neurrien ingurukoak dira. Eta nola ez! horien interpretazioa interesaren arabera egiten da, batzuk oso egokiak, beste batzuek, ordea, neurritz kanpokoak.

Oraingoan ez naiz politikarekin zerikusia duten erabakiez arituko, hori politikaz nik baino gehiago dakitenentzat utziko dut. Baina, emakume naizen aldetik eta orain dela urte

mordoska emakumeendako zerbitzu batean lanean egon nintzen, sexu eraso gaitan zerbait esatea gustatuko litzaidake.

Azken aste honetan lauzpabost kasuren berriak irakurri ditut. Adibidez, Bartzelonako epaitegi baten sententzia baten arabera, senar batek emaztea aizkorarekin mehatxatzea falta arin bezala kalifikatu du. Epailearen ustetan, senarrak maitasunagatik egin zuen



Lortu behar duguna da emakumeek berehala salatzea

kasu irakurri edo entzun ditut Balantzaren beste aldean, ongizate eta emakume zerbitzuak, erakunde publikoak,

erasoa-eta. Eraso-tzaileari 60 euro ordaintzera zigortu zuen, eta ez zion emaztearengatik urruntzeko agindurik eman, gertatutakoa eta gero, emazteak (beldurrak jota seguruenik) senarrarekin jarraitzeko asmoa erakutsi baitzuen. Lehen esan bezala astebetean antzerako hiru

Emakunde eta emakume elkarteak arduratuta daude eraso kasuak gora egin duelako. Erasoak jasan dituzten emakumeak sentsibilizatzeko kanpaina ere abian da komunikabideetan. Eta hori da lortu beharrekoa: emakume horiek berehala salatzea egoera, bestela esperientziak erakutsi bezala, berandu izan daiteke. Hala ere, salatu ondoren, epaileak eraso-tzailea kalean uzten badu, ez dugu ezer lortzen. Askok errepikatu dute hemen esandakoa, baina beharrezkoa da, ea presio sozialak legeak indartzen dituen eta ea lege horiek bete-arazten diren. Hala izan bedi!

LABUR

Musika etnikoa entzuteko aukera Anboto tabernan

Badirudi Ibarako Anboto tabernan gustura ari direla kontzertuak antolatzen. Horren adibide da gaur bertan (barikua) beste kontzertu bat entzuteko aukera izango dela taberna horretan. Oraingo honetan, musika etnikoa izango da protagonista. Gasteiztik etorritako Tribu Shaman taldeak joko du. Berezi-ki, perkusioan oinarritutako musika jotzen du Tribu Shamanek. Betiko moduan, 21:30ean hasiko da kontzertua Anboto tabernan.

LABUR

Aramaioko ordezkariak Behobia-Donostian

Aramaiokarrak ere izan ziren aurreko domekan Behobia-Donostia lasterketan. Neskak eta mutilak izan ziren; guztira, zazpi lagun. Mutilen artean Josu Bideburuk egin zuen denborarik onena: 1:33:18; Aitor Arana hirugarrena izan zen (1:33:41); eta Aitor Axpek eta Jon Andoni Axpek denbora bera egin zuten (1:46:08). Josu Bideburuk adierazi digunez, "bestelako lasterketa batzuekin alderatuz gero, desberdina eta arraroa da. Jende mordoak parte hartzen du, eta horrek zaildu egiten du; baina, era berean, parte hartzaileen artean giro ona dago, eta ikusleek izugarri animatu gintuzten, bereziki, neskak". Nesken artean, bi aramaiokarrak parte hartu zuten: Maria Jesus Ruiz de Azua izan zen iritsi zen lehenengoa (1:45:23); eta Elena Zubizarretak 1:46:30 egin zuen. Elena Zubizarretak bost urte darmatza Behobia-Donostia lasterketan parte hartzen.

PARTXIS LEHIAKETA



Pozik, asteburuko Partxis Lehiaketarekin

Berrogeita lau lagunek parte hartu zuten Txirritola Euskara Elkartek zapatuan antolatutako Partxis Lehiaketan, gehienak, 6 eta 12 urte artekoak. Hiru irabazle izan ziren partaide guztien artean, adinaren arabera sailkatuta: 6 eta 12 urte artekoen artean Igor Oianguren irabazi zuen; 12 eta 16 urte artekoen artean Jone Arriolabengoak; eta nagusien artean Alberto Azurmendi izan zen garaile. Antolatzaileak pozik daude herritarren parte hartzearekin, eta herritarrek ere gustura parte hartu zuten lehiaketan. /UBANE MADERA

GANTZAGAKO JAIK



Eguraldi eskasa baina giro polita Gantzagan

Eguraldiari kasurik egin barik, Gantzagakoak jairik jai ibili ziren asteburuan. Barikuan eta zapatuan, musika izan zen nagusi, txistularien eta Aretxabaletako abesbatzaren eskutik. Zapatuan, umeen jokoak egin zituzten, arratsaldean, eta erromeria, gauean, biak ere aterpean. Ziklismo lasterketa ere izan zen, domekan. Francisco Gutiérrez zaldibartarra izan zen garaile (munduko txapeldunordea da); auzoko lehena, berriz, Aitor Errasti izan zen, eta umeetan, Mikel Altuna. Bestalde, Miguel Lurik eta Jose Luis Andresek irabazi zituzten mus eta tute txapelketak.

BOTEPRONTOAN/ Asier Agirre · AHT Gelditu Elkarlana taldeko kidea

“Geure bizi kalitatea txikitu egingo du eta giro naturala guztiz eraldatuko du trenak”

Abiadura Handiko Trena erakitzekeo zundaketak egiten hasi dira ibarrean, tartean, Aramaion. Horren ondorioz, berriro piztu dira tren horren kontrako jarrerak eta ekimenak. Horien artean dago Aramaio AHTren kontrako taldea. Guk Asier Agirrekin berba egin dugu, taldeko kideetako batekin. Untzillako Azpiko Etxe baserrikoa da Asier:

Badirudi trena badatorrela?
Badu itxura, bai. Zundaketak egiten, behintzat, hasi dira. Asmoa da 2003. urte barruan lanak hastea. Europatik dirua dute jasotzeko (milaka milioi), baina horretarako, 2006a baino lehen lanak egiten izan behar dira, eta 2010ean bukatuta.

Zergatik zaudete kontra?
Bi jarrera daude: enpresaburuek eta gobernukoek, bulegotik begiratuta, horrelako proiektu batek izan dezakeen errentagarritasun ekonomikoa ikusten dute. Bestetik, esaten dute ingurumenari ez diola kalterik egingo eta horrelakoak... aurpegia garbitzeko. Guk uste dugu trenak ingurumenaren gain ikaragarritzko eragina duela. Gainera, trena hemen ez da geratuko; eta oraindik ez dute esan ea jendearendako den, gauzak eramateko edo zertarako



“Hausnarketa egin beharko lukete ea orain zelako ibarra dugun eta zelakoa izango dugun gero”

den. Hasieratik gaude proiektuaren aurka. Gure lana da proiektu horri aurre egiteko proposamena jendearen artean zabaltzea eta jendearengan euren eskubi-deekiko kontzientzia piztea.

Aramaion zeini eragiten dio?
Eragin zuzena jasango duten baserri gutxi agertzen dira proiektuan, sei-zazpi baserri. Baina bakarrik tunel bako zatiak agertzen dira kaltetutako zati moduan; eta guk uste dugu tunela dagoen pareko guneen gain ere baduela eragina trenak. Adibidez, Aramaion 3,5 kilometroko tunela dago, proiektuaren arabera. Horrek irteerak behar ditu (kearendako, larrialdiendako...), eta horren berririk ez dute ematen. Tunela egiteko atera behar duten milaka tona lur non sartu behar duten ere ez dute esaten; eta gune horien inguruko ibarretan hustuko

“Eskertuko nuke Aramaioko jendeak proiektu horren aurrean, behintzat, interesa erakustea”

dute lur hori. Oro har, geure bizi kalitatea txikitu egingo du eta giro naturala guztiz eraldatuko du trenak.

Hala ere, Aramaioko Udalak ez du esan kontra dagoenik...
Ez du esan ez alde ez kontra dagoenik. Adibidez, laginak egiteko ahozko baimena eman du, baina idatzizkorik ez.

Madrazok beste proiektu bat aurkeztu du; zer deritzozu?
Y proiektua orain dela zortzi-bederatzi urte atera zen; hortaz, ez dakit Madrazo nora begira egon den laginak egiten hasi eta handik gutxira beste proiektu bat aurkezteko. Hobe da, baina ez dut uste aurrera egingo duenik, hasi dira-eta beste proiekturako laginak egiten. Edozelan ere, lehendik badago beste proiektu bat: Madril-Paris Mediterraneo aldetik. Hori da ekonomikoki errentagarriena, baina Euskal Herriatik ez litzateke pasatuko, eta Eusko Jaurlaritzak ez du hori nahi.

Zer esango zenieke herrikideei?
Horrelako proiektu bat dagoenean, lehenik, proiektuaren berri izateko. Eta hausnarketa egin dezatela ea orain zelako ibarra dugun eta zelakoa izango dugun trena egin eta gero. Eskertuko nuke, era berean, herritarrek interesa, behintzat, erakustea.

OHARRAK

- ARGI MOZKETA**
Astehenean, martitzenean edo eguaztenean argia moztuko dute unetxo batez Aramaio osoan. Hiru egun horietako baten izango da, baina ezin dugu zehaztu noiz, hori eguraldiaren araberrakoa izango da-eta. Sortutako eragozpenengatik barkamena eskatu gura die Udalak herritarrei.
- ZINEMA**
Spiderman filma emango dute kultura etxeko aretoan; betiko moduan, domekan, 17:00etan.
- ARETO FUTBOLA**
Ez zuten partidu onik jokatu Bañerakoek Oriamendiren kontra, 6-3 galdu zuten-eta aramaiokarrak. Oraingo asteburuan atsedean hartuko dute. Bañerako kadeteek, berriz, denboraldia estreinatuko dute bihar, zapatua. Gasteizko Ariznabarra auzoko kiroldegian jokatu-ko dute, San Jose Menesianos taldearen kontra. Partidua goizeko hamaiketan hasiko da. Eta Bañerako neskak ere laster hasiko dira txapelketan jokatzeko.